



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

15

2-45

LW9

853

2010
Avalley

Համար
853

Հրատ. Կենտրոնական գրավամատանոցի


ԱՂՕԹԱՏԵՏՐ

Հայոց եկեղեցական եւ արքունի օստումնարանների համար

Կազմեց

ԳԻԻՏ Ա. ԲՍԷ. ԱՂՕՆՍՏՆՅԱՆ

Զորքորդ Լրացրած տպագրութիւն



Տ Փ Խ Ի Ս

Տպարան Տ. Մ. Ռօտինեանցի

1903

1212100211

Дозволено цензурою. Тифлисъ, 23 Декабря 1902 г.



853-2010

(35965-62)

Հ Դ Ա Մ Ա Ն Ա Ի

S. S. ՄԿՐՏՉԻ Ա.

ՎԵՀՐՓՆՈՒ ԵՒ ՍՐԲԱԶՆԱԴՈՅՆ ՀՈՅՐԱԳԵՏԻ

ԱՄԵՆԱՅՆ ՀԱՅՈՑ

ա. Յանունն Հօր.

բ. Տէրունական աղօթք.

ԱՌԱԻՑՏԵԱՆ ԱՂՕԹՒԲՆԵՐ

գ. Տէր, եթէ զչրթունս իմ.

դ. Լցաք առաւօտու ողորմութեամբ.

ե. Զքէն գոհանամք.

զ. Գոհանամք զքէն.

է. Ընկալ տէր զաղաչանս մեր.

ը, Սուրբ ես, տէր Աստուած մեր.

թ. Աստուած մշտնջենաւոր.

ժ. Առաւօտ լուսոյ.

ժա. Փառք 'ի բարձունս Աստուծոյ.

ժբ. Սուրբ Աստուած.

ժգ. Փառաւորեալ և օրհնեալ.

ժդ. Խաչ քո եղիցի մեզ ապաւէն.

ժե. Տէր ուղղեա զգնացս մեր.

ժզ. Առաջնորդ կենաց.

ժէ. Զառաւօտու աղօթս.

ՃԱՇՈՒ ԱՂՕԹՒԲՆԵՐ

ժբ. Ողորմեա ինձ, Աստուած.

ժթ. Առաջնորդեա մեզ, տէր Աստուած մեր.

ի. Խաղաղութեամբ քով.

իա. Հայր գթութեանց.

իբ. Անկեալ առաջի քո.

իգ. Ժամամուտք. — Մննդեան.

իդ. — Յարութեան.

իե. — Համբարձման.

- իդ. — Հողեղալտեան.
- իէ. — Խաչի.
- իը. — Լուսաւորչի.
- իթ. — ամենայն սրբոց.

Լ. Նիկիական հանգանակ.

լա. Տէր ողորմեա.

ԵՐԵԿՈՅԵԱՆ ԱՂՕԹՔՆԵՐ

լբ. Ես առ Աստուած կարգացի.

լգ. Լուս զուարթ.

լդ. Լուր ձաչնից մերոց.

լե. Քեզ երկիրպագանելով.

լզ. Հայր գթած.

լէ. Տէր, մի դարձուցաներ.

լը. Յիշեա տէր զպաշտօնեալս քո.

ՀԱՆԳՍՏԵԱՆ ԱՂՕԹՔՆԵՐ

լթ. Տէր Աստուած մեր, զու պահեան զմեզ.

լս. Հրեշտակի խաղաղութեան.

լտա. Անկանխմբ առաջի քո.

լտբ. Պահպանեա զմեզ.

լտգ. Չհանգստեան աղօթս.

լտդ. Հաւատով խոստովանիմ.

լտե. Ծարական ս. Էջմիածնի.

լտզ. Խաչի քո Քրիստոս.

լտէ. Ի մէջ տաճարիս.

լտը. Տէր ամենակալ.

ՅԱՒԵԼՈՒԱՄ

լտթ. Սղօթք ձաչից առաջ.

ծ. — ձաչից լետու.

ծա. Տասն պատուիրան:

Ա.

Յանուն Հօր և Որդու և Հոգույն սրբոյ. ամէն:

Հօր, Որդու և սուրբ Հոգու անունով. ամէն:

Բ.

ՏԵՐՈՒՆԱԿԱՆ ԱՂՕԹՔ

Հայր մեր՝ որ յերկինս ես, սուրբ եղիցի անուն քո. եկեսցէ արքայութիւն քո. եղիցին կամք քո որպէս յերկինս և յերկրի: Զհաց մեր հանապազորդ՝ տուր մեզ այսօր: Եւ թող մեզ զպարտիս մեր, որպէս և մեք թողումք մերոց պարտապանաց: Եւ մի տանիր զմեզ ի փորձութիւն, այլ փրկեա՛ զմեզ ի չարէ: Զի քո է արքայութիւն և զօրութիւն և փառք չաւիտեանս, ամէն:

Մեր չայր, որ երկիրումն ես, սուրբ լինիք
 քո անունը. գայ քո թագաւորութիւնը. լինի
 քո կամբը ինչպէս երկիրում, այնպէս էլ
 երկրիս վերայ: Մեր ամենօրուայ հացը տուր
 մեզ այսօր. թո՛ղ մեզ մեր պարտքերը, ինչպէս
 որ մենք էլ թողնում ենք մեր պարտապան-
 ներին: Եւ մի ձգիր մեզ փորձանքի մէջ, այլ
 փրկիր^ք շարից: Որովհետեւ քոնն է թագաւորու-
 թիւնը, զօրութիւնը, փառքը, յաւիտեանս ամէն:

ԱՌԱԻՑՏԵԱՆ ԱՂՕԹՔՆԵՐ

Գ.

Տէր, եթէ գըրթունս իմ բանաս, բերան
 իմ երգեսցէ զօրհնութիւնս քո:

Օրհնեալ համագոյ և միասնական ան-
 բաժանելի սուրբ երրորդութիւն՝ հայր և որդի
 և հոգի սուրբ, այժմ և միշտ և յաւիտեանս
 յաւիտենից. ամէն:

Տէր, եթէ իմ շրթունքը բանաս՝ իմ բե-
 րանը կօրհնէ քեզ:

Օրհնուած է համագոյ և միասնական ան-
 բաժանելի ս. երրորդութիւնը, հայրը, որդին
 և սուրբ հոգին, այժմ և միշտ և յաւիտեանս.
 ամէն:

Դ.

Լցաք առաւօտու ողորմութեամբ քով-
 ցնձացաք և ուրախ եղաք զամենայն աւուրս-
 կենաց մերոց:

Ուրախ եղաք փոխանակ աւուրցն՝ յորս
 խոնարհ արարեր զմեզ. և ամացն՝ յորս տե-
 սաք զչարչարանս:

Հայեանց, Տէր, 'ի ծառայս քո՝ և 'ի գոր-
 ծոս ձեռաց քոց. և առաջնորդեան որդոց
 նոցա. եղիցի լոյս Տեառն Աստուծոյ 'ի վերայ
 մեր:

Զգործս ձեռաց մերոց ուղիղ արա՛ ի մեզ,
 Տէր, և զգործս ձեռաց մերոց յաջողեան մեզ:

Ե

Զքէն գոհանամք, Տէր Աստուած մեր, որ
 շնորհեցեր մեզ հանգիստ քնոյ խաղաղու-
 թեամբ: Եւ զարթուցեալ ժամանեցուցեր զմեզ
 կանխել լերկրպագութիւն ահաւոր և փառա-
 ւորեալ անուանդ քում սրբոյ: Տո՛ւր մեզ, Տէր,
 աղաչեմք զքեզ, զմնացուած գիշերիս խաղա-
 ղութեամբ անցուցանել. և զամենայն ժամա-
 նակս կենաց պանդխտութեան մերոյ, երկիւ-
 ղիւղ քո ամրացո՛ և պահեան: Որպէս զի զգու-

շութեամբ և անարատ վարուք կրօնաւորեալք յայսմ աշխարհիս. ժամանեցուք յանբոյժ և 'ի խաղաղ նաւահանգիստ յաւիտեանկան ի կեանսդ: Ենորհօք և մարդասիրութեամբ տեառն մերոյ և Փրկչին Յիսուսի Գրիստոսի: Ընդ որում քեզ հօր և հոգւոյդ սրբոյ վայել է փառք, իշխանութիւն և պատիւ. այժմ և միշտ և յաւիտեանս յաւիտենից. ամէն:

Զ.

Գոհանամք զքէն, տէր Աստուած մեր, որ զարթուցեր զմեզ ի հանգստենէ քնոյ շնորհիւ ողորմութեան քո: Զարթո՛ւ զմիտս մեր արդարութեամբ առ քեզ, տէր Աստուած մեր, զի տեսցեն աչք մեր զվրկութիւն քո: Եկեսցէ և բնակեսցի առ մեզ աստուածութիւն քո. և ողորմութիւն քո հովանի և պահապան լիցի ի վերայ պաշտօնէից քոց: Եւ զմեզ զծառայս քո արժանի արա ի տուէ և ի գիշերի և յամենայն ժամու միշտ խորհիլ 'ի սէր պատուիրանաց քոց: Եւ գոհանալով փառաւորել զհայր և զորդի և զսուրբ հոգիդ, այժմ և միշտ և յաւիտեանս յաւիտենից. ամէն:

Շնորհակալ ենք քեզանից, տէր Աստուած մեր, որ քո ողորմութեան շնորհովը զարթեցրիր մեզ հանգիստ քնից: Զարթեցրու մեր մտքերն արդարութիւնով դէպի քեզ, տէր Աստուած մեր, որ մեր աչքերը տեսնեն քո վրկութիւնը. զայ և բնակուի մեր մէջ քո Աստուածութիւնը և քո ողորմութիւնը հովանի և պահապան լինի մեզ վերայ: Եւ արժանի արա մեզ զիշեր և ցերեկ և ամէն ժամանակ մտածել քո պատուէրների վերայ և շնորհակալութեամբ փառաւորել չօրը և Որդուն և սուրբ Հօգուդ, այժմ և միշտ և յաւիտեանս. ամէն:

Է.

ԱՂՕԹՔ ԱՌ. ՀՍԵՐՆ ԱՍՏՈՒԱԾ

Ընկալ, Տէր, զաղաչանս մեր՝ բարեխօսութեամբ սուրբ Աստուածածնին անարատ ծնողի միածնի Որդւոյ քո. և աղաչանօք ամենայն սրբոց քոց:

Լո՛ւր մեզ, Տէր, և ողորմեա՛, ներեա՛, բաւեա՛ և թող զմեզս մեր: Արժանաւորեա՛ գոհութեամբ փառաւորել զքեզ ընդ Որդւոյ և ընդ սրբոյ Հոգւոյդ. այժմ և միշտ և յաւիտեանս յաւիտենից. ամէն.

Ընդունիր, տէր, մեր աղաչանքը, քո միա-
ծին որդու անարատ ծնողի՝ սուրբ Աստուա-
ծածնի բարեխօսութիւնով և բոլոր սրբերի
խնդրուածքովը:

Լսիր մեզ, տէր, և ողորմիր, ներիր, քա-
ւիր և թող մեր մեղքերը: Արժանացրու մեզ
չնորհակալութեամբ փառաւորել Քեզ Որդւոյդ և
սուրբ Հոգւոյդ հետ. այժմ և միշտ և յաւիտեանս
ամէն:

Ը.

Սուրբ ես, տէր Աստուած մեր, Հօրը և
փառաւորեալ, որ նստիս 'ի կառս քերովբէա-
կանս, և լոյս ծագես յարարածս քո: Լուսա-
ւորեան զմեզ տէր 'ի ժամ առաւօտուս. որպէս
զի 'ի ծագել լուսոյ տունջեանս՝ ծագեսցի առ
մեզ դու թ մարդասիրութեան քո: Հեռացո՛ 'ի
մէնջ, տէր, գխաբէութիւն սատանայի. և ըզ-
բռնութիւն նորա խորտակեան աղօթիւք և բա-
րեխօսութեամբ ամենայն սրբոց: Սրան և զեր-
կիրս սլողաբերս 'ի սնունդս ծառայից քոց:
Յորոց հանապազ փառաւորեալ գովի ամենա-
սուրբ երրորդութիւնդ. այժմ և միշտ և յա-
ւիտեանս յաւիտենից. ամէն:

Թ.

Աստուած մշտենշաւոր՝ Աստուած յա-
ւիտենական. որ 'ի ստորին աշխարհս լոյս ծա-
գեցար՝ և լուսաւորեցեր զմեզ, 'ի խաւարային
մեղաց մերոց: Որ վասն մեր 'ի չափաւորու-
թիւն երկիր անչափդ Աստուած, և հեղեալ
ծաւալեցեր զշնորհս Հոգւոյդ սրբոյ յարարածս
քո: Այժմ և յաւիտեանս ժամանակաց բարե-
բանեալ ես ամենամեծդ Աստուած, ընդ Հօր
և ամենասուրբ Հոգւոյդ, այժմ և միշտ և
յաւիտեանս յաւիտենից. ամէն:

Ճ.

Առաւօտ լուսոյ. արեգակն արդար. առ
իս լոյս ծագես: Բղխումն 'ի հօրէ. բղխեան 'ի
հոգւոյս. բան քեզ 'ի հաճոյս:

Գանձդ ողորմութեան. գտնձիդ ծածկե-
լոյ. գտող զիս արան: Գուռն ողորմութեան.
դաւանողիս բաց. դասեցո՛ վերնոցն:

Երբեակ միութիւն. եղելոց խնամող և
ինձ ողորմեան: Զարթիր տէր յօգնել. զարթո՛
ղթմրեալս. զուարթնոց նմանիլ:

Եդ հալը անսկիզբն. էակից որդի. է միշտ

սուրբ հոգի: Ընկալ զիս գթած. ընկալ ողոր-
մած. ընկալ մարդասէր:

Թագաւոր փառաց. թողութեանց տուող.
Թող ինձ զյանցանս: Ժողովող բարեաց. ժողո-
վեա և զիս. ժողովս անդրանկաց:

Ի քէն տէր հայցեմ, ՚ի մարդասիրէդ ինձ
բժշկութիւն: Լեր կեանք մեռելոյս. լոյս խա-
ւարելոյս. լուծանող ցաւոյս:

Խորհրդոց գիտող. խաւարիս շնորհեա.
խորհուրդ լուսաւոր: Ծնունդ հօր ծոցոյ. ծած-
կելոյս ստուերաւ. ծագեան զլոյս փառաց:

Կենարար փրկիչ. կեցն զմեռեալս. կանգ-
նեա զգլորեալս: Հաստատեան հաւատով. հաստա-
տեան լուսով. հիմնեցն սիրով:

Ձայնիւս աղաչեմ. ձեռօքս պաղատիմ.
ձիր բարեաց շնորհեա: Ղամբարամբ լուսոյ.
ղեկավար ճարտար. զօղեալս ամրացո:

Ճառագայթ փառաց. ճանապարհ ինձ ցոյց.
ճեպել ՚ի յերկինս: Միածինդ հօր. մոյժ զիս
յառագաստ, մաքուր հարսանեացդ:

Յորժամ գաս փառօք, յահագին աւուրն,
յիշեան զիս Քրիստոս: Նորոգող հնութեանց.
նորոգեան և զիս. նորոգ զարդարեան:

Շնորհատու բարեաց, շնորհեան զքաւու-
թիւն. շնորհեան զթողութիւն: Ուրախացն Տէր,
ողուցս փրկութեամբ, ոյր վասն եմ ի սուգ:

Ձար մշակողին. չար սերմանց նորին.
չորացն զպտուղ: Պարգևիչ բարեաց. պարգևեան
իմոց, պարտեաց թողութիւն:

Ջուր շնորհեան աչացս. ջերմ հեղուլ ար-
տօսր, ջնջել զյանցանս: Ռետինդ քաղու-
ռամ հոգւոյս արբն. ռահ ցոյց ինձ լուսոյ:

Սէր անուն Յիսուս. սիրով քով ճմլեան.
սիրտ իմ քարեղէն: Վասն զթութեան, վասն
ողորմութեան, վերստին կեցն:

Տենչաւոյդ տեսեամբ տուր ինձ յագե-
նալ, տէր Յիսուս Քրիստոս: Բաբունդ երկ-
նաւոր, բստեա զաշակերտս ըամից երկնալնոց:

Յօղ արեան քո, Տէր, ցօղեան ՚ի հօգիս.
ցնծասցէ անձն իմ: Իլիծեալս մեղօք, լիլծեալ
աղաչեմ, լիւսել ինձ բարիս:

Փրկիչ բոլորից, փութան զիս փրկել, փոր-
ձութեանց մեղաց: Քաւիչ յանցանաց, քաւեա
զօրհնաբանս քեզ երգել զփառս:

Սուրբ Աստուածածնին բարեխօսութեամբ,
յիշեան, տէր, և սղորմեան:

ժԱ.

ՕՐՀՆՈՒԹԻՒՆ ՀՐԵՇՏԱԿԱՅ

Փառք ՚ի բարձունս Աստուծոյ. և յեր-
կիր խաղաղութիւն, ՚ի մարդիկ հաճութիւն:

Եւ օրհնութիւն քեզ 'ի բարձունս. օրհնեալ ես, տէր Աստուած մեր. օրհնեմք զքեզ և զովեմք զքեզ: Խոստովանիմք Տէր զքեզ և երկիրպագանեմք քեզ, փառաւորեմք զքեզ. զօհանամք, Տէր, զքէն, վասն մեծի փառաց քոց: Տէր թագաւոր, սուրբք երկնային, Աստուած և հայր ամենակալ: Տէր և Որդի Հօր միածին Յիսուս Քրիստոս և Սուրբ Որդի: Տէր Աստուած, Գառն Աստուծոյ և Որդի Հօր. որ առեր գմերս 'ի կուսէն: Ողորմեցար, բարձեր գմեզս աշխարհի, և արդ ընկալ զազաջանս մեր: Սուրբք որ նստիս ընդաջմէ Հօր՝ ողորմեա՛ մեզ: Զի դու միայն սուրբ, դու միայն բարձրեալ ես, դու միայն Տէր մեր Յիսուս Քրիստոս: Տէր և հոգիք Սուրբ՝ որ 'ի փառս Աստուած ընդ Հօր. ամէն:

Եւ յամենայն ժամ օրհնեմք զքեզ. Տէր և զովեմք զանուն Սուրբ քո յաւիտեան և յաւիտեանս յաւիտենից: Արժանի արա Տէր, զօրս զայս խաղաղութեամբ, և առանց մեղաց պահեա զմեզ: Օրհնեալ ես Տէր Աստուած հարցն մերոց. զովեալ և փառաւորեալ է անուն Սուրբ քո յաւիտեանս. ամէն: Օրհնեալ Տէր, ուսո՛ ինձ զարդարութիւն քո. (երիցս կրկնեալ): Տէր, ապաւէն եղեր մեր յազգէ յազգ: Ես աղաչեմ, Տէր, ողորմեա ինձ և

քժշկեա զանձն իմ. ես մեղայ քեզ: Յոյց մեզ, Տէր, զողորմութիւնս քո. և զփրկութիւնս քո սուր մեզ: Տէր, ողորմութիւն քո յաւիտեան. զգործս ձեռաց քոց մի անտես առներ: Տէր իմ, զքեզ ապաւէն ինձ արարի. ուսո՛ ինձ առնել զկոմս քո՝ զի դու ես Աստուած իմ: Ի քէն է Տէր՝ աղբիւր կենդանութեան և լուսով երեսաց քոց տեսառնեմք զոյս: Ծագեա՛ զողորմութիւնս քո՝ որք ճանաչեն զքեզ, Տէր:

853-658
 2010
 35965-62

ժԲ.

Ի ԳԵՄ ՈՐԴԻՈՅ ԱՍՏՈՒԹՈՅ

Սուրբ Աստուած, սուրբ և հօր. սուրբ և անմահ. որ խաչեցար փասն մեր. ողորմեա մեզ: (երեք անգամ):

ժԳ.

ԱՂՕԹՔ ԱՌ Ս. ԿՈՅՍՏ

Փառաւորեալ և օրհնեալ միշտ սուրբ Կոյս Աստուածածին Մարիամ մայր Քրիստոսի. մատո՛ զաղաչանս մեր Որդւոյ քո և Աստուծոյ մերոյ:



Փրկել զմեզ 'ի փորձութենէ և յամենայն
վտանգից մերոց:

Փառաւորուած և օրհնուած միշտ սուրբ
կոյս Աստուածածին Մարիամ, Քրիստոսի մայր,
մեր աղաչանքը հասցրու Քո Որդուն և մեր
Աստուն:

Որ փրկէ մեզ փորձանքներից և մեր ա
մեն վտանգներից:

ԺԴ.

ՄԱՂԹԱՆԻ ՊԱՀՈՅ

Խաչ քո եղիցի մեզ ապաւէն, Տէր Յի-
սուս, յորժամ երեւիս փառօք Հօր ընդ ամպս
լուսաւորս: Յայնժամ մեք մի ամաչեսցուք
յուսացեալքս ի քեզ, այլ զօրութեամբ քով
մեծաւ՝ երկրեսցուք ընդ աջմէ քումմէ՝ որ-
պէս զօրդիս լուսոյ և օրդիս տունջեան:

ԺԵ.

Տէր, ուղղեա զգնացս մեր 'ի ճանապարհս
խաղաղութեան: Տէր, ուղղեա և առաջնորդեա
հօգևոց մերոց և ամենայն հաւատացելոց՝ զը-

նալ յարդարութեան ճանապարհն և 'ի կեանսն
յաւիտենից:

Տէր, ուղղիր մեր վնայքը գէպի խաղա-
ղութեան ճանապարհը. Տէր, ուղղիր և առաջ-
նորդիր մեր հողիներին և բոլոր հաւատացեալ-
ներին գէպի արդարութեան ճանապարհն և
յաւիտենական կեանքը:

ԺԶ.

Առաջնորդ կենաց և պարգևիչ խաղա-
ղութեան Քրիստոս Աստուած մեր. առաջնոր-
դեա մեզ գնալ ի ճանապարհս քո արդարու-
թեան. և խաղաղութեամբ ժամանել ի նա-
ւահանգիստն կենաց և փրկութեան՝ շնորհօք
ողորմութեան քո. զի դու ես օգնական և
Փրկիչ մեր. և քեզ վայելէ փառք, իշխանու-
թիւն և պատիւ. այժմ և միշտ և յաւիտեանս
յաւիտենից. ամէն:

ԺԷ.

Զառաւօտու ազօթս և զբանաւոր պաշ-
տօնս՝ ընկալ ամենակալ ամենամեծք Աստուած

ի քո անպական և յերկնային խորանդ:

Ծագեա առ մեզ զարդարութեան և զիմաստութեան զլոյս քո. արան զմեզ որդիս լուսոյ և որդիս տունջեան. որպէս զի ՚ի գալ աւուրս երկիւղածութեամբ վարեսցուք զկեանս մեր. և առանց գայթակղութեան կատարեսցուք:

Զի դու ես օգնական և փրկիչ մեր. և քեզ վայելէ փառք իշխանութիւն և պատիւ. այժմ և միշտ և յաւիտեանս յաւիտենից. ամէն:

Ճ Ա Շ Ո Ւ Ա Ղ Օ Թ Ք Ն Ե Ր

ԺԸ.

ՍԱՂՄՈՍ ԴԱՍԹԻ

Ողորմեա ինձ, Աստուած, ըստ մեծի ողորմութեան քում. ըստ բազում զթութեան քում քաւեան զանօրէնութիւնս իմ:

Սռաւել լուան զիս յանօրէնութենէ իմմէ. և ՚ի մեղաց իմոց սուրբ արան զիս:

Զանօրէնութիւնս իմ ես ինձէն գիտեմ, և մեղք իմ առաջի իմ են յամենայն ժամ:

Քեզ միայն մեղայ, տէր, և զչար առաջի քո արարի:

Որպէս արդար եղիցիս ՚ի բանս քո, և յաղթող ՚ի դատել գաս:

Անօրէնութեամբ յղացաւ, և ՚ի մեղս ծնաւ զիս մայր իմ:

Գու, տէր, զճշմարտութիւն սիրեցեր. զանյայտս և զծածկեալս իմաստութեամբ քով յայտնեցեր ինձ:

Յօղեան լիս մշտկաւ և սուրբ եղէց լուա և քան զձիւն սպիտակ եղէց:

Լսելի արան ինձ, տէր, զցնծութիւն և զուրախութիւն. և ցնծասցեն օսկերք իմ տառապեալք:

Գարձն զերեսս քո ՚ի մեղաց իմոց. և զամենայն անօրէնութիւնս իմ քաւեան լինէն:

Սիրտ սուրբ հաստատեան լիս, Աստուած, և հոգի ուղիղ նորոգեան ի փորի իմում:

Մի ընկենուր զիս, տէր, յերեսաց քոց, և զհոգի քո սուրբ մի հանէր լինէն:

Տուր ինձ ցնծութիւն փրկութեան քո, և հոգւով պետութեան քո հաստատեան զիս: Ուսուցից անօրինաց զճանապարհս քոյ, և ամբարիշտք առ քեզ դարձցին:

Փրկեան զիս յարենէ, Աստուած, Աստուած փրկութեան իմոյ. ցնծասցէ լեզու իմ յարդարութեան քում:

Տէր, եթէ զշրթունս իմ բանաս, բերանս իմ երգեսցէ զօրհնութիւնս քո:

Թէ կամեցեալ էիր պատարագս մատուցանէաք. բայց դու ընդ ողջակէզս խսկ ոչ հաճեցար:

Պատարագ Աստուծոյ, հոգի խոնարհ, զսիրտ սուրբ և զհոգի խոնարհ Աստուած ոչ արհամարհէ:

Բարի արն, տէր, կամօք քովք Սիօնի, և շինեսցին պարիսպք Երուսաղէմի:

Յալժամ հաճեսցիս ընդ պատարագս արդարութեան. յորժամ ուխտից պատարագս հանցեն ի սեղան քո զուարակս:

ԺԹ.

ՀԱՆՈՒՅԱԲՆՈՐԻՒՆ ԵՂՈՒԹԻ

Առաջնորդեան մեզ, Տէր Աստուած մեր, և ուսո՞ մեզ գնալ 'ի ճանապարհս քո արդարութեամբ. պահեան ի խաղաղութեան զկեանս մեր, և զգնացս 'ի հաճոյս քո. ժամանեցո՞ զհոգևոր և զմարմնաւոր ընթացս ծառայից քոց անարատ ճանապարհաւր յաւիտենական ի կեանսդ. շնորհօք միաճնի քոյ Տեառն մե-

քոյ և Փրկչին Յիսուսի Քրիստոսի, որ եղև մեզ առաջնորդ կենաց և յոյս փրկութեան:

Ընդ որում օրհնեալ ես Հայր ամենակալ, հանդերձ կենդանարար և ազատիչ սուրբ Հոգևորդ. այժմ և միշտ և յաւիտեանս յաւիտենից. ամէն:

Ի.

ԱՂՕԹԻ ԵՒ ԱՍԵՆԱՍՈՒԹԻ ՀՈՒԿՆ

Խաղաղութեամբ քով հոգիդ սուրբ Աստուած ճշմարիտ՝ որ 'ի վեր է քան զամենայն միտս և զխորհուրդս. մխիթարիւ՞ զանձինս ծառայից քոց՝ ընդունելով զազաչանս մեր. անցո՞ 'ի մէնջ զցասումն պատուհասի յանցանաց մերոց բարերարութեամբ քով: Ներեան և լուր մեզ, բաւեան և թող զմեզս մեր. արժանաւորեան գոհութեամբ փառաւորել զքեզ ընդ հօր և ընդ որդւոյն միաճնի. այժմ և միշտ և յաւիտեանս յաւիտենից. ամէն:

ԻԱ.

ԱՂՕԹԻ ԵՒ ՀԱՅՐԻ ԱՍՈՒՅԵՆ

Հայր զթութեանց և Աստուած ամենայն մխիթարութեանց, որ մխիթարես զմեզ յամե-

նայն նեղութեան մերում. լուր և այժմ ձայնի պաղատանաց ծառայից քոյ՝ ընդունելով զաղաչանս մեր. անցս ի մէնջ զցատումն պատուհասի յանցանաց մերոց բարերարութեամբ քով: Ներեան և լուր մեզ. քաւեան և թող զմեզս մեր. արժանաւորեան գոհութեամբ փառաւորել զքեզ ընդ Որդւոյ և ընդ սրբոյ Հոգւոյդ. այժմ և միշտ և յաւիտեանս յաւիտենից. ամէն:

ԻԲ.

ԱՂՕԹՔ ԱՌ ՈՐԳԻՆ ԱՍՏՈՒԱԾ

Անկեալ առաջի քո, բարերար և բազում ողորմ Աստուած՝ աղաչեմք ամենայն սրտիւք մերովք և խնդրեմք զգթութիւն ՚ի քէն. որպէս խոստացար ծառայից քոց և ասացեր՝ զամենայն զոր ինչ խնդրիցէք հաւատով յանուն Որդւոյ ՚ի Հօրէ տացի ձեզ: Ենորհեան և այժմ հաւատացելոց ՚ի քեզ՝ և կատարեան ՚ի բարի զխնդրուածս մեր. զի ՚ի քեզ եմք ապաւինեալ: Եւ քո առատ ողորմութեամբք միեթարեան զմեզ ՚ի կեանս յայտոսիկ, և առաջնորդեալ հասն յանձառ երկնից արքայութիւնդ, ՚ի փառաբանութիւն և ՚ի պատիւ

ամենասուրբ երրորդութեանդ. այժմ և միշտ և յաւիտեանս յաւիտենից. ամէն.

Ժ Ա Մ Ա Մ Ո Ի Տ Ք

ԻԳ.

Յ Ն Ն Դ Ե Ա Ն

Աստուածածին անհարսնացեալ՝ զհանն անսկիզբն յղացար և զԱստուածն անիմանալի ծնար. զանպարագրելին ՚ի գիրկս քո բարձեր. նմա անդադար բարեխօսեան վասն անձանց մերոց:

ԻԴ.

Յ Ա Ր Ո Ի Ք Ե Ա Ն

Քրիստոս յարեալ ՚ի մեռելոց, մահուամբ զմահ կոխեաց, և յարութեամբն իւրով մեզ զկեանս պարգևեաց, նմա փառք յաւիտեանս, ամէն:

Քրիստոսը յարութիւն առաւ մեռելներից, մահով մահը խափանեց և իւր յարութիւնով մեզ կեանք պարգևեց. նրան փառք յաւիտեանս. ամէն:

ԻԵ.

Հ Ա Մ Բ Ա Ր Չ Մ Ա Ն

Հիացան վերնական բազմութիւնքն տեսանելով զքեզ 'ի հրեղէն կառս բազմեալ' սարսեալ ասէին. ո՞վ է սա որ գիմեալ գալ յեղովմայ. և եկեալ մտանէ փառօք 'ի փառս. Տէր, փառք քեզ:

ԻԶ.

Հ Ո Գ Ե Գ Ա Ն Ա Ս Ե Ա Ն

Այսօր 'ի հրեղէն լեզուս բաժանեալ հանգեար յառաքեալսն' լուսաւորելով զնոսա. և այժմ աղաչեմք զքեզ, սուրբ հոգիդ Աստուած, որ ես պատճառ կենդանութեան եղելոց և իտղադարար աշխարհի, խնայեա՛ և կեցո՛ զմեզ:

ԻԷ.

Ի Ե Ա Չ Ի

Առաջի պատուական ամենայաղթ խաչի քո անկանիմք երկրպագելով և խնդրեմք ըզթողութիւն յանցանաց մերոց. քանզի սովաւ բարձեր զգատապարտութիւն ազգի մարդկան: Եւ այժմ վասն սրբոյ աստուածային քոյ նը-

շանի՛ շնորհեա զերկնային զխաղաղութիւնդ ամենայն աշխարհի:

ԻԸ.

Լ Ո Ւ Ս Ա Ի Ո Ր Չ Ի

Գրիգոր սուրբ քահանայապետ՝ որ զհաւատս ուսուցեր և զբանալս գիււացն հալածեցեր, մարդկան ուսուցեր քարոզել զերրորդութիւնն, պսակեցեր յարքայութեանն, արգբարեխօս լեր առ Տէր վասն մեր:

Սուրբ քահանայապետ Գրիգոր, որ հաւատը սովորցրիր և գիւրդի բանակը յրուեցիր, մարդկանց սովորցրիր դաւանել սուրբ երրորդութիւնը, պսակ ընդունեցիր արքայութեան մէջ. այժմ յարեխօսիր մեզ համար Աստու առաջ:

ԻԹ.

Ա Մ Բ Ե Ա Յ Ն Ս Բ Բ Ո Յ

Բարսիսուութեամբ սրբուհոյ Աստուածածնին, սրբոյն Յովհաննու Կարապետին, սրբոյն Ստեփաննոսի նախավկային, և սրբոյն Գրիգորի մերոյ Լուսաւորչին, և սրբոց առա-

քելոց և մարգարէից, հայրապետաց և վարդապետաց, մարտիրոսաց և թագաւորաց, ճրգնաւորաց և կուսանաց, նահատակաց և միանձանց, և ամենայն սրբոց քոց հնոց և նորոց, յայտից և անյայտից, զխաղաղութիւն և զերկնային ողորմութիւն քո պարգևեա մեզ՝ մարդասէր տէր:

Լ.

ՆԻԿԻԱՅԱՆ ՀԱՆԳԱՆԱԿ

Հաւատամք 'ի մի Աստուած 'ի հայրն ամենակալ՝ յարարիչն երկնի և երկրի, երևելաց և աներևոյթից:

Եւ 'ի մի տէր Յիսուս Քրիստոս որդին Աստուծոյ՝ ծնեալն յԱստուծոյ հօրէ՝ միածին, այսինքն էութենէ հօր: Աստուած յԱստուծոյ, լոյս 'ի լուսոյ, Աստուած ճշմարիտ, յԱստուծոյ ճշմարտէ՝ ծնունդ և ոչ արարած: Նոյն ինքն 'ի բնութենէ հօր, որով ամենայն ինչ եղև յերկինս և 'ի վերայ երկրի, երևելիք և աներևոյթք:

Որ յաղագս մեր մարդկան և վասն մերոյ փրկութեան իջեալ 'ի յերկնից մարմնացաւ, մարդացաւ, ծնաւ կատարելապէս 'ի Մարիամայ սրբոյ կուսէն հոգւովն սրբով: Որով

էառ զմարմին, զհոգի և զմիտ, և զամենայն որ ինչ է 'ի մարդ, ճշմարտապէս և ոչ կարծեօք:

Չարչարեալ, խաչեալ, թաղեալ:

Յերրորդ առուր յարուցեալ:

Ելեալ 'ի յերկինս նովին մարմնովն նըստաւ ընդ աջմէ հօր:

Գալոց է նովին մարմնովն և փառօք Հօր 'ի դատել զկենդանիս և զմեռեալս, որոյ թագաւորութեանն ոչ գոյ վախճան:

Հաւատամք և 'ի սուրբ հոգին՝ յանեղն և 'ի կատարեալն, որ խօսեցաւ յօրէնս և 'ի մարգարէս և յաւետարանս: Որ էջն 'ի Յորդանան, քարոզեաց զառաքեալն, և բնակեցաւ 'ի սուրբսն:

Հաւատամք և 'ի միմիայն ընդհանրական և յառաքելական եկեղեցի:

'ի մի մկրտութիւն, յապաշխարութիւն:

'ի քառութիւն և 'ի թողութիւն մեղաց:

'ի յարութիւն մեռելոց, 'ի դատաստանն յաւիտենից, հոգւոց և մարմնոց, յարքայութիւնն երկնից և 'ի կեանսն յաւիտենականս:

Իսկ որք ասեն՝ էր երբեմն, յորժամ ոչ էր որդի. կամ էր երբեմն, յորժամ ոչ էր սուրբ

Հոգի. կամ թէ՛ յուշից եղեն, կամ յայլմէ
 էութենէ ասեն լինիլ զՈրդին Սատուծոյ և
 կամ զսուրբ Հոգին. և թէ՛ փոփոխելիք են
 կամ այլայլելիք, զայնպիսիսն նզովէ կաթու-
 ղիկէ և առաքելական եկեղեցի:

Ս. Գրիգոր լուսաւորչի ասած.

Իսկ մեք փառաւորեսցուք որ յառաջ քան
 զյաւիտեանս, երկիրպագանելով սրբոյ երրոր-
 դութեան և միոյ աստուածութեանն Հօր և
 որդւոյ և Հոգւոյն սրբոյ. այժմ և միշտ և
 յաւիտեանս յաւիտենից. ամէն:

Սուրբ, Սուրբ, Սուրբ, Տէր զօրութեանց-
 լի են երկինք և երկիր փառօք քո. օրհնու-
 թիւն 'ի բարձունս. օրհնեալ որ եկիր և զա-
 լոցդ ես անուամբ Տեառն, ովսաննա 'ի բար-
 ձունս:

LU.

Տէր ողորմեա, Տէր ողորմեա, Տէր ողոր-
 մեա, Տէր ողորմեա, Տէր ողորմեա:

Արի Աստուած Հարցն մերոց,
 Որ ապաւենդ ես նեղելոց,
 Հաս օգնութիւն ծառայից քոց՝
 Անօգնական ազգիս Հայոց:

Միջնորդութեամբ սրբոյ խաչիդ
 Եւ անարատ սուրբ ծնողիդ.
 Յիշեա զյեղումն արեան Փրկչիդ,
 Ե՛լ 'ի խնդիր փոքու Հօտիդ:

Ի քէն Հայցեմք մեզ օգնութիւն.
 Ամենասուրբ երրորդութիւն,
 Տճւր աշխարհիս խաղաղութիւն,
 Քրիստոնէից Հաստատութիւն.
 Ննջեցելոց արքայութիւն,
 Եւ Հիւանդաց բժշկութիւն:

Արդ անկանիմք առաջի քո,
 Գոչեմք մեղայ Տեառնդ մերոյ,
 Դարձո՛ 'ի մէնջ զցասումն քո,
 Վասն անսպառ գթութեան քո:

Զի գիտացաք մեք Հաւաստեաւ,
 Որչափ մեղաց մերոց լցաւ.
 Ուստի տէրդ մեր բարկացաւ.
 Աւ 'ի խրատել զմեզ զարթեաւ:

Քրիստոս պատարագեալ բաշխի 'ի միջի մերում. ալէլուիա:

Զմարմին իւր տայ մեզ կերակուր և սուրբ զԱրիւն իւր ցողէ 'ի մեզ ալէլուիա:

Մատիք առ Տէր և առէք զլոյս. ալէլուիա:

Նաշակեցէք և տեսէք զի քաղցր է Տէր. ալէլուիա:

Օրհնեցէք զՏէր յերկինս. ալէլուիա:

Օրհնեցէք զնա 'ի բարձունս. ալէլուիա:

Օրհնեցէք զնա ամենայն հրեշտակք նորա. ալէլուիա:

Օրհնեցէք զնա ամենայն զօրութիւն նորա. ալէլուիա:

Լցաք 'ի բարութեանց քոց, Տէր. ճաշակելով զՄարմին քո և զԱրիւն. փառք ի բարձունս կերակրողիդ զմեզ որ հանապազ կերակրես զմեզ. առաքեա՛ 'ի մեզ զհոգևոր քո զօրհնութիւն. փառք ի բարձունս կերակրողիդ զմեզ:

ԵՐԵՎԱՆԻ ԱՂՕԹՔՆԵՐ

ԼԲ.

Ես առ Աստուած կարդացի, և նա լուաւ ինձ յերեկոյս՝ ի վաղօրդայն՝ և 'ի հասարակ աւուր:

Սպասէի Աստուծոյ իմոյ, և ական ունէի կենարարին, որ փրկէ զձառայս իւր և կեցուցանէ:

ԼԳ.

Ալէլուիա, ալէլուիա:

Լոյս զուարթ սուրբ փառաց անմահի, հօր երկնաւորի սրբոյ կենարարի Յիսուս Քրիստոս:

Եկեալքս 'ի մտանել արեգական, տեսաք զլոյս երեկոյիս: Օրհնեմք զհայր և զօրդի և զսուրբ հոգիդ Աստուծոյ: Եւ ամենեքեան ասեմք ամէն: Արժանաւորեա՛ զմեզ յամենայն ժամ, օրհնել ձայնիւ երգով զանուն փառաց ամենասուրբ երրորդութեանդ: Որ տայ զկենդանութիւն. վասն որոյ և աշխարհս զքեզ փառաւորէ:

ԼԴ.

Լուր ձայնից մերոց, տէր Աստուած մեր, ընկալ զաղաչանս մեր, զհամբարձումն ձեռաց մերոց՝ և զբանս աղօթից, սրբելով զերեկոյի պատարագս մեր 'ի հոտ անուշից՝ ի հաճոյս քեզ պատրաստել: Յաւել ի մեզ, Տէր ամենակալ, զհաւատ, զյոյս, զսէր և զամենայն գործս առաքինութեան. որպէս զի ըստ կամաց քոց բարեսիրաց՝ միշտ կրօնաւորեալք բարեպաշտութեամբ 'ի տուէ և ի գիշերի. և արժանաւորք եղիցուք յաղագս անձանց մերոց փրկութեան, և վառն հոգևոր կենաց աղաչել զքեզ, Տէր և գտանել 'ի քէն զշնորհս և զողորմութիւն. և զոհանալով փառաւորեսցուք զՀայր և զՈրդի և զսուրբ Հոգիդ. այժմ և միշտ և յաւիտեանս յաւիտենից. ամէն:

ԼԵ.

Քեզ երկիրպագանելով Տէր Աստուած մեր՝ գոհանամք զքէն յաղագս խաղաղութեամբ անցուցանելոյ 'ի մէնջ զերկարութիւն տունջեանս: Տուր մեզ Տէր, աղաչեմք զքեզ զերեկս և զառաջիկայ գիշերս առանց մեղաց, և առանց գայթակղութեան անցուցանել. հաստա-

տուն կալ և մնալ 'ի Հաւատ՝ 'ի Յոյս՝ 'ի Սէր՝ և 'ի պատուիրանապահութեան քոյ:

Խնդրելով զխաղաղութիւն ամենայն աշխարհի, և եկեղեցւոյ քում սրբոյ զհաստատութիւն, և անձանց մերոց զփրկութիւն: Որպէս զի ընդունելով 'ի քէն զհայցուածս մեր՝ և զմեծ վայելչական փառաբանութիւն միշտ 'ի բարձունս առաքեսցուք ամենագորտէրութեանդ, Քրիստոս Աստուած մեր. այժմ և միշտ և յաւիտեանս յաւիտենից. ամէն:

ԼԶ.

Հայր գթած, բարեխնամող, արարիչ ամենայն արարածոց, ընկալ զպաղատանս ծառայից քոց 'ի ժամ երեկոյիս, որ առատդ ես առ ամենեսեան պարգևօք բարերարութեան քո: Ողորմեա՛, Տէր, ամենայն աշխարհի, և եկեղեցւոյ քում սրբոյ. հիւանդաց, վշտացելոց, ճանաչարհորդաց, նաւորդաց, խոստովանողաց, ապաշխարողաց, և հոգւոցն հանգուցելոց: Զի դու, Տէր ամենակալ, գիտես զպէտս մեր և զկարիս առաւել քան զոր խնդրեմք և իմանամք. և քեզ ընդ Որդւոյ և ամենասրբոյ Հոգւոյդ վայելէ փառք, իշխանութիւն

և պատիւ. այժմ և միշտ և յաւիտեանս յաւիտենից. ամէն:

ԼԵ.

Տէր, մի դարձուցաներ զերեսս քո լինէն, Տէր բարերար, աղաչեմ զքեզ, օգնական իմ լեր, Տէր, մի անարգեր զիս, և մի թողուր զիս, Աստուած Փրկիչ իմ:

Տէր, մի դարձնիր քո երեսը ինձանից, տէր բարերար, ապաշում եմ քեզ, օգնական եղիր ինձ տէր, մի անարգիր ինձ և մի թողնիր ինձ, Աստուած Փրկիչ իմ:

ԼԸ.

Յիշե՛ս Տէր, զպաշտօնեայս քո, զճնօղսն մեր, զվարդապետս, զեղբարս, զընկերս, զկերակրիչս, զուխտաւորս, զճանապարհորդս, ըզհանգուցիչս, զվաստակաւորս, զխոստովանողս, զապաշխարողս, զգերիս, զհիւանդս, զնեղեալս, զխշխանս, զչարարարս, զբարերարս, զթշնամիս, զատելիս, և որք պատուիրեցին մեզ հաւատով:

ԼԹ.

ՀԱՆԳՍՏԵԱՆ ԱՂՕԹԻ

Տէր Աստուած մեր՝ դու պահե՛ս զմեզ խաղաղութեամբ ՚ի գիշերիս յայսմիկ և յամենայն ժամանակի:

Ընդ սուրբ երկիւղ քո բեւեալ պահե՛ս զմիտս և զխորհուրդս մեր: Որպէս զի յամենայն ժամ քե պահպանեալ լիցուք յորոգայթից թշնամուցն:

Եւ քեզ հանցուք զօրհնութիւն և ըզփառս Հօր և Որդուց և Հոգուց սրբոց. այժմ և միշտ և յաւիտեանս յաւիտենից. ամէն:

Տէր Աստուած մեր, դու պահիր մեզ խաղաղութիւնով այս գիշեր և ամեն ժամանակ:

Քո սուրբ երկիւղից մէջ բեւեամ պահիր մեր միտքն ու խորհուրդը, որպէս զի ամեն ժամանակ քեզանով պահպանուինք թշնամու որոգայթներից:

Եւ քեզ տանք օրհնութիւնն և փառքը, Հօրը, Որդուն և սուրբ Հոգուն. այժմ և միշտ և յաւիտեանս. ամէն.

Խ.

Հրեշտակի խաղաղութեան յանձն արած զանձինս մեր, Տէր զօրութեանց, որ եկեալ պահեսցէ զմեզ անխռովս 'ի տուէ և 'ի գիշերի, յարթնութեան և 'ի հանգստեան մերում. զի դու ես արարիչ լուսոյ, և հաստիչ գիշերի: Եւ այժմ աղաչեմք զքեզ, Տէր Աստուած մեր, զհանգիստ գիշերիս շնորհեա՛ն խաղաղութեամբ անցուցանել, և հասանիլ 'ի պաշտօն առաւօտու յերկրպագութիւն և 'ի փառաբանութիւն ամենաուրբ Երրորդութեանդ. այժմ և միշտ և յաւիտեանս յաւիտենից. ամէն:

Տէր զօրութիւնների, մեր անձերը յանձնիր խաղաղութեան հրեշտակին, որ գալով հանգիստ պահէ մեզ գիշեր և ցերեկ, մեր արթուն և քնած ժամանակը, որովհետեւ դու ես լուսի և գիշերի ստեղծողը: Եւ այժմ աղաչում ենք քեզ, Տէր Աստուած մեր, այս գիշերը խաղաղութեամբ անցկացրու, որ հասնինք առաւօտու պաշտօնին երկրպագելու ու փառաբանելու ամենաուրբ երրորդութեանդ. այժմ, միշտ և յաւիտեանս. ամէն:

ԽԱ.

ԱՌ ՏԻՐԱՄԱՅԻ ՍՈՒՐԲ ԿՈՅՍՆ

Անկանիմք առաջի քո, Տիրամայր սուրբ Աստուածածին, և աղաչեմք զանարատ զկոյսդ՝ քարեխօսեա՛ վասն անձանց մերոց և աղաչեա զմիածին Որդիդ: Փրկեա զմեզ 'ի փորձութենէ և յամենայն վտանգից մերոց:

Ընկնում ենք քո առաջ, Տիրոջ մայր սուրբ Աստուածածին և աղաչում ենք անարատ կուսիդ, բարեխօսիր մեր անձերի համար և աղաչիր քո միամին սրբուց, որ փրկէ մեզ փորձանքից և ամեն տեսակ վտանգներից:

ԽԲ.

ՍՈՒՐԲ ԽԱԶԻ ԱՂՕԹՔ

Պահպանեա՛ զմեզ Քրիստոս Աստուած մեր՝ ընդ հովանեաւ սուրբ և պատուական Խաչի քոյ 'ի խաղաղութեան. փրկեա՛ յերևելի և յաներևոյթ թշնամուոյն:

Արժանաւորեա՛ գոհութեամբ փառաւորել զքեզ ընդ Հօր և ընդ սրբոյ Հոգւոյդ, այժմ և միշտ և յաւիտեանս յաւիտենից. ամէն:

Պահպանիր մեզ, Քրիստոս Աստուած մեր քո սուրբ և պատուական խաչի հովանու տակ

խաղաղութեամբ. փրկիր երևելի և աներևոյթ թշնամիներից:

Արժանաւորիր շնորհակալութեամբ փառաւորել քեզ չօր և սուրբ չոգու հետ, այժմ և միշտ յաւիտեանս. ամէն:

ԽԳ.

Զհանգստեան զաղօթս և զաղաչանս ընկալ մարդասէր Աստուած 'ի հաճոյս բարերար կամաց քոց: Եւ մեր մեղաց և բազում յանցանացն թողութիւն շնորհեան: Եւ քեզ փառք յաւիտեանս. ամէն:

Փառք քեզ Տէր Աստուած մեր, որ պարգևեցեր զօրս զայս բարեաւ և խաղաղութեամբ անցուցանել: Մարդասէր Աստուած, զառաջիկայ զիշերս՝ որ 'ի վերայ մեր գալոց է, 'ի մեղաց փրկեան, 'ի չարեաց ազատեան, 'ի գործս բարիս առաջնորդեան: Առաւօտու օրհնութեանցն և փառաբանութեանցն արժանիք արա զամենայն հաւատացեալս անուանդ քում սրբոյ, և պահեան ի խաղաղութեան:

Տէր Աստուած մեր, տուր զքո խաղաղութիւնդ ամենայն աշխարհի, բնորձ զցասումն և զպատուհասն 'ի յարարածոց: Ողորմեան հարց և եղբարց մերոց, կենդանեաց և հան-

գուցելոց: Ողորմեան զեկեղեցի շինողաց, երախտաւորաց, պտղատուից, սպասաւորաց, և այնոցիկ՝ որք ընդ հովանեաւ սրբոյ եկեղեցւոյ են հանգուցեալ:

Տէր Աստուած, օգնեան թագաւորաց քրիստոնէից, և իշխանացն բարեպաշտից, զօրաց և զաւակաց նոցին՝ պահելով 'ի խաղաղութեան:

Տէր Աստուած մեր, պահեան զարաջնորդս և զեղբարութիւնս մեր ամբողջ և անխռով 'ի կամս ողորմութեան քոյ:

Նշանաւ սուրբ և պատուական խաչի քո հալածեան զերևելի և զաներևոյթ թշնամիներ ի սահմանաց մերոց և 'ի բնակութենէս մերմէ: Փրկեան զմեզ 'ի հրոյն յաւիտենից: Եւ քեզ փառք յաւիտեանս. ամէն:

ԽԳ.

ԱՂՕԹ-Բ ՏԵՄՈՒՆ ՆԵՐՍԵՍԻ

Հաւատով խոստովանիմ և երկիրպագանեմ քեզ, Հայր և Որդի՝ և սուրբ Հօգիանեղ և անմահ բնութիւն, արարիչ հրեշտակաց և մարդկան և ամենայն եղելոց. ողորմեան քո արարածոց և ինձ բազմամեղիս: Հաւատով խոստովանիմ և երկիրպագա-

նեմ քեզ անբաժանելի լոյս միասնական սուրբ երրորդութիւն և մի Աստուածութիւն, արարիչ լուսոյ և հալածիչ խաւարի. հալածեալի հոգւոյ իմէ՛զ զխաւար մեղաց և անգիտութեան. և լուսաւորեան՝ զմիտս իմ՝ ՚ի ժամուս յայսմիկ՝ աղօթել քեզ ՚ի հաճոյս և ընդունել ՚ի քէն զխնդրուածս իմ. և ողորմեան՝ քո արարածոց և ինձ բազմամեղիս.

Հայր երկնաւոր Աստուած ճշմարիտ, որ առաքեցեր զՈրդիդ քո սիրելի ՚ի խնդիր մոլորեալ ոչխարին. մեղայ յերկինս և առաջի քո. ընկալ զիս որպէս զանառակ որդին, և զգեցոյ ինձ զպատմուճանն առաջին, զոր մերկացայ մեղօք. և ողորմեան՝ քո արարածոց և ինձ բազմամեղիս:

Որդի Աստուծոյ Աստուած ճշմարիտ, որ խոնարհեցար ՚ի հայրական ծոցոյ, և առերմարմին ՚ի Սրբոյ կուսէն Մարիամայ. վասն մերոյ փրկութեան խաչեցար՝ թաղեցար՝ և յարեար ՚ի մեռելոց, և համբարձար փառօք առ Հայր. մեղայ յերկինս և առաջի քո. յիշեան զիս որպէս զաւազակն, յորժամ գաս արքայութեամբ քով. և ողորմեան՝ քո արարածոց և ինձ բազմամեղիս:

Հոգի Աստուծոյ Աստուած ճշմարիտ, որ իջեր ՚ի Յորդանան և ՚ի վերնատունն, և

լուսաւորեցեր զիս մկրտութեամբ սուրբ աւազանին, մեղայ յերկինս և առաջի քո. մաքրեա զիս վերստին Աստուածային հրով քով, որպիս հրեղէն լեզուօք զառաքեալսն. և ողորմեա քո արարածոց և ինձ բազմամեղիս:

Անեղ բնութիւն, մեղայ քեզ մտօք իմօվք, հոգւով և մարմնով իմով. մի յիշեր զմեղս ՚իմ զառաջինս՝ վասն անուանդ քում սրբոյ. և ողորմեա քո արարածոց և ինձ բազմամեղիս,

Տեսող ամենայնի, մեղայ քեզ խորհրդով, բանիւ և գործով. ջնջեա զձեռագիր յանցանաց իմոց, և գրեա զանուն իմ՝ ՚ի դպրութեան կենաց. և ողորմեա քո արարածոց և ինձ բազմամեղիս:

Քննող զաղտնեաց, մեղայ քեզ կամայ և ախամայ, զիտութեամբ և անգիտութեամբ, թողութիւն շնորհեան մեղաւորիս. զի ՚ի ծննդեանէ սուրբ աւազանին մինչև ցայսօր մեղուցեալ եմ առաջի Աստուածութեանդ քոյ՝ ըզգայարանօք իմովք, և ամենայն անգամօք մարմնոյս. և ողորմեան՝ քո արարածոց և ինձ բազմամեղիս:

Ամենախնամ Տէր, զիր պահապան աչաց իմոց զերկիւղ քո սուրբ՝ ոչ ևս հայել յարատ. և ախանջաց իմոց ո՛չ ախորժել լսել զբանս

չարութեան, և շերանոյ իմոյ ոչ խօսիլ ըզ-
ստուութիւն. և սրտի իմոյ ոչ խորհիլ զչարու-
թիւն. և ձեռաց իմոց ոչ գործել զանիրա-
ւութիւն, և ոտից իմոց ոչ գնալ 'ի ճանա-
պարհս անօրէնութեան. այլ ուղղեա զշար-
ժումն սոցա լինիլ միշտ ըստ պատուիրանաց
քոց յամենայնի. և ողորմեա քո արարածոց
և ինձ բազմամեղիս:

Հուր կենդանի Քրիստոս, զհուր սիրոյ քո
զոր արկեր յերկիր՝ բորբոքեա յանձն իմ. զի
այլբեցեց զսիղճ մտաց իմոց, մաքրեցեց զմեզս
մարմնոյ իմոյ, և վառեցեց զլոյս գիտութեան
քոյ 'ի սրտի իմում. և ողորմեա քո արարա-
ծոց և ինձ բազմամեղիս:

Իմաստութիւն Հօր Յիսուս, տուր ինձ
զիմաստութիւն զբարիս խորհիլ և խօսիլ և
գործել առաջի քոյ յամենայն ժամ. 'ի չար խոր-
հրդոց՝ 'ի բանից և 'ի գործոց փրկեան զիս.
և ողորման քո արարածոց և ինձ բազմա-
մեղիս:

Կամեցող բարեաց. Տէր կամարար, մի
թողուր զիս 'ի կամս անձին իմոյ գնալ. այլ
առաջնորդեան ինձ լինիլ միշտ ըստ կամաց քոց
բարեսիրաց, և ողորմեան քո արարածոց և
ինձ բազմամեղիս:

Արքայ երկնաւոր, տուր ինձ զարքայու-

թիւն քո՝ զոր խոստացար սիրելեաց քոց. և
գորացն զսիրտ իմ ատել զմեզս, և սիրել զքեզ
միայն և առնել զկամս քո. և ողորմեան քո
արարածոց և ինձ բազմամեղիս:

Խնամող արարածոց, պահեան նշանաւ
խաչի քո զհոգի և զմարմին իմ 'ի պատրա-
նաց մեղաց, 'ի փորձութեանց դիւաց, և 'ի
մտրոց անիրաւաց և յամենայն վտանգից
հոգւոյ և մարմնոյ. և ողորմեան քո արարա-
ծոց և ինձ բազմամեղիս:

Պահապան ամենայնի Քրիստոս, աջ քո
հովանի լիցի 'ի վերայ իմ 'ի տուէ և 'ի գի-
շերի՝ 'ի նստիլ 'ի տան, 'ի գնալ 'ի ճանա-
պարհ, 'ի ննջել և 'ի յառնել, զի մի երբէք
ստասնեցայց. և ողորմեան քո արարածոց և
ինձ բազմամեղիս:

Աստուած իմ, որ բանաս զձեռն քո, և
լնուս զամենայն արարածս ողորմութեամբ
քով, քեզ յանձն առնեմ զանձն իմ. դու հո-
գան և պատրաստեան զպէտս հոգւոյ և մարմ-
նոյ իմոյ յայսմ հետէ մինչև յաւիտեան. և ո-
ղորմեան քո արարածոց և ինձ բազմամեղիս:

Գարձուցիչ մոլորելոց, զարձոն զիս 'ի չար
սովորութեանց իմոց 'ի բարի սովորութիւն.
և բւեռեա 'ի հոգի իմ զսոսկալի օր մահուն՝
և զերկիւղ գեհնոյն՝ և զտէր արքայութեանն.

զի գղջացայց 'ի մեղաց, և գործեցից զարգա-
րութիւն, և ողորմեա քո արարածոց և ինձ
բազմամեղիս:

Աղբւր անմահութեան, աղբերացո՛ 'ի
սրտէ իմմէ զարտասուս ապաշխարութեան որ-
պէս պոռնկին, զի լուացից զմեզս անձին իմոյ
յառաջ քան զելանելն իմ յաշխարհէս. և ո-
ղորմեա՛ քո արարածոց և ինձ բազմամեղիս:

Պարգևիչ ողորմութեան, պարգևա՛ ինձ
ուղղափառ հաւատով՝ և բարի գործով՝ և
սուրբ մարմնոյ և արեան քո հաղորդութեամբ
գալ առ քեզ. և ողորմեա քո արարածոց և
ինձ բազմամեղիս:

Բարերար Տէր, հրեշտակի բարւոյ յանձն
արասցես զիս՝ քաղցրութեամբ աւանդել զհոգի
իմ, և անխռով անցուցանել ընդ չարութիւն
այսոցն՝ որք են 'ի ներքոյ երկնից, և ողորմեա
քո արարածոց և ինձ բազմամեղիս:

Լոյս ճշմարիտ Քրիստոս, արժանաւորեան՝
զհոգի իմ ուրախութեամբ տեսանել զլոյս փա-
ռաց քոց 'ի կոչման աւուրն. եւ հանգչիլ յու-
սով բարեաց յօթեւանս արդարոց մինչեւ յօր-
մեծի գալստեան քոյ. եւ ողորմեա՛ քո արա-
րածոց եւ ինձ բազմամեղիս:

Դատաւոր արդար, յորժամ գաս փառօք
Հօր դատել զկենդանիս եւ զմեռեալս, մի՛ մտա-

ներ 'ի դատաստան ընդ ծառայի քում. այլ
փրկես զիս 'ի յաւիտենական հրոյն և լսելի
արա ինձ զերանաւէտ կոչումն արդարոց յերկ-
նից արքայութիւնդ. և ողորմեա՛ քո արարա-
ծոց և ինձ բազմամեղիս:

Ամենողորմ Տէր, ողորմեա՛ ամենայն հա-
ւատացելոց 'ի քեզ, իմոց և օտարաց, ծանօ-
թից և անծանօթից, կենդանեաց և մեռելոց.
շնորհեա՛ և թշնամեաց իմոց և ատելեաց
զթողութիւն՝ որ առիս յանցանաց, և դարձո՛
գնոսա 'ի չարեացն զոր ունին վասն իմ, զի
ողորմութեան քում արժանի եղիցին. և ողոր-
մեա՛ քո արարածոց և ինձ բազմամեղիս:

Փառաւորեալ Տէր, ընկալ զաղաչանս ծա-
ռայից քոց, և կատարես 'ի բարի զխնդրուածս
իմ բարեխօսութեամբ սրբուհւոյ Աստուածա-
ծնի, և Յովհաննու Մկրտչին, և սրբոյն Ստե-
փաննոսի նախավկային, և սրբոյն Գրիգորի
մերոյ Լուսաւորչին. և սրբոց Առաքելոց Մար-
գարէից, Վարդապետաց, Մարտիրոսաց, Հայ-
րապետաց, Չգնաւորաց, Կուսանաց, Միան-
ձանց, և ամենայն սրբոց քոց երկնաւորաց
և երկրաւորաց: Եւ քեզ փառք՝ և երկրպա-
գութիւն անբաժանելի սուրբ Երրորդութեա-
նրդ՝ յաւիտեանս յաւիտենից. ամէն:

ԽԵ.

ԱՌ ԽԱՅԵՑԵԱԼՆ ՅԻՍՈՒՍ

Խաչի քո, Քրիստոս, երկիրպագանեմք, և զսուրբ խաչելութիւնդ քո մեծացուցանեմք, և զսուրբ Յարութիւնդ քո փառաւորեմք: Եկայք հաւատացեալք երկրպագեսցուք Քրիստոսի Աստուծոյ մերոյ. վասն զի եկն 'ի ձեռն Խաչին իւրոյ շնորհեաց պարգևս աշխարհի: Սուրբ Աստուած, սուրբ և հզօր, սուրբ և անմահ, որ խաչեցար վասն մեր, ողորմե՛ա մեզ:

Փառք սուրբ Խաչիդ ալէլուիա. սուրբ մատնութեանդ ալէլուիա. չարչարանացդ ալէլուիա. խաչելութեանդ ալէլուիա. սրբոյ թաղմանդ ալէլուիա. սուրբ յարութեանդ ալէլուիա:

Փառք և երկրպագութիւն Հօր և Որդւոյ և Հօգւոյն սրբոյ, այժմ և միշտ և յաւիտեանս յաւիտենից. ամէն:

ԽԶ.

ԱՂՕԹՔ ԵՎԵՂԵՑԻՈՅ

Ի մէջ տաճարիս, և առաջի Աստուածընկալ և պայծառացեալ սուրբ նշանաց և

սուրբ Սեղանոյս՝ խոնարհեալ երկիւզիւ երկիրպագանեմք, զսուրբ և զհրաշալի և զյաղթող զյարութիւնդ քո փառաւորեմք. և քեզ մատուցանեմք զօրհնութիւն և զփառս ընդ Հօր և ընդ՝ Սրբոյ Հօգւոյդ. այժմ և միշտ և յաւիտեանս յաւիտենից. ամէն:

ԽԷ.

ԱՂՕԹՔ ՄԱՆԱՍԻԻ ԹԱԳԱՒՈՐԻՆ

Տէր ամենակալ, Աստուած Աբրահամու, Իսահակայ, Յակոբայ՝ և զաւակի նոցա արդարոց. ամենակալ Տէր, թող զմեզս իմ:

Որ արարեր զերկինս և զերկիր, և զամենայն զարդ նոցա. ամենակալ՝ Տէր, թող զմեզս իմ:

Որ կապեցեր զծով բանիւ հրամանի քոյ. փակեցեր զխորս, կնքեցեր ահաւոր և փառաւորեալ անուամբ քով սրբով. ամենակալ, Տէր, թող զմեզս իմ,

Որ ամենայն ինչ սարսի և զողայ լերեսաց ահի զօրութեան քո. ամենակալ Տէր, թող զմեզս իմ:

Անբաւ է մեծ վալելուցութիւն փառաց սրբութեան քո. սաստիկ է բարկութիւն սպառ-

նայեաց քոց 'ի վերայ մեղաւորաց, անչափ և անքննին են ողորմութիւնք աւետեաց քոց. ամենակալ Տէր, թող զմեզս իմ:

Դու, Տէր, բարձրեալ, զթաճ, երկայնամիտ, բազումողորմ. և զղջանաս 'ի վերայ չարեաց մարդկան ամենակալ Տէր, թող զմեզս իմ:

Դու, Աստուած, ոչ եղեր ասպաշխարութիւն վասն արշարոցն Աբրահամու, Իսահակայ և Յակովբայ, որք ոչ մեղան քեզ. ամենակալ Տէր, թող զմեզս իմ:

Այլ եղեր ասպաշխարութիւն վասն իմ մեղաւորիս, զի մեղայ աւելի քան զաւագ ծովու, և բազմացան անօրէնութիւնք իմ. ամենակալ Տէր, թող զմեզս իմ:

Ձեմ արժանի հայիլ և տեսանել զբարձրութիւնս երկնից, 'ի բազմութենէ անօրէնութեան իմոյ. ամենակալ Տէր, թող զմեզս իմ:

Կորացեալ եմ ես 'ի բռնութենէ կապանաց երկաթից, և ոչ գոյ ինձ հանգիստ. ամենակալ Տէր, թող զմեզս իմ:

Բարկացուցի զսրտմտութիւն, և չար առաջի քո արարի. կանգնեցի սլատկեր և բազմացուցի զցասումն. ամենակալ Տէր, թող ըզմեզս իմ:

Եւ արդ, Տէր, խոնարհեցուցանեմ զճուղք

սրտի իմոյ, և հայցեմ 'ի քաղցրութենէ քումմէ. ամենակալ Տէր, թող զմեզս իմ:

Մեղայ, Տէր, մեղայ, և զանօրէնութիւնս իմ ես ինձէն զիտեմ. ամենակալ Տէր, թող զմեզս իմ:

Աղաչեմ և խնդրեմ 'ի քէն՝ թող ինձ, Տէր, թող ինձ, և մի կորուսաներ զիս ըստ անօրէնութեան իմոյ. ամենակալ Տէր, թող զմեզս իմ:

Մի լաւիտեան բարկանար ինձ, Տէր, և մի լիշեր զչարիսն իմ. և մի պարտաւորեր զիս ընդ իջեալսն 'ի ներքոյ երկրի չարեօք. ամենակալ Տէր, թող զմեզս իմ:

Զի դու, Աստուած, Աստուած ասպաշխարողաց ես, և լիս ցոյց զբարերարութիւնք քո՝ որ անարժան եմ. ամենակալ Տէր թող զմեզս իմ:

Կեցուսցես զիս ըստ բազում ողորմութեան քում. և ես օրհնեցից զքեզ զամենայն անուրս կենաց իմոց. ամենակալ Տէր, թող ըզմեզս իմ:

Զքեզ, Տէր, օրհնեն ամենայն զուարթունք երկնից. և քո են փառք լաւիտեանս. ամէն:

Փառք Հօր և Որդու և Հոգւոյն սրբոյ. այժմ և միշտ և լաւիտեանս լաւիտենից. ամէն:

Աղաչեմ և խնդրեմ 'ի քէն, Տէր, թող
ինձ զմեզս իմ:

Բազումողորմ Տէր, ողորմեա ինձ:

Աստուած, քաւեա զիս զմեզաւորս 'ի մե-
զաց, և կեցո՛:

Արարիչ իմ և լոյս, Աստուած, գթա լիս
'ի մեղուցեալ ծառայս, և ողորմեա ինձ բազ-
մամեղիս:

Ամենօրհնեալ Սրբուհի և միշտ կոյս Աս-
տուածածին Մարիամ, բարեխօսեան առ Տէր
վասն իմ մեղաւորիս:

Ամենայն սուրբք Աստուծոյ՝ բարեխօսե-
ցէք առ Հայր 'ի յերկինս վասն մեր մեղաւորացս:

Քրիստոս որդի Աստուծոյ անոխակալ ըն-
ձալ զաղաչանս մեր. զի 'ի քեզ են ապաւի-
նեալ անձինք մեր:

Յազթող զօրութեամբ, սուրբ եւ կենդա-
նարար և պատուական խաչի քո, Տէր, պահ-
պանեա զմեզ:

Առաքեա, Տէր, զհրեշտակ խաղաղութեան
քո, որ եկեալ պահեսցէ զմեզ անխռովս 'ի
սուէ եւ ի գիշերի:

Եւ մարդասիրութեամբ քո լիշեան զմեզ,
Տէր, լիշեա զմեզ, յորժամ գաս արքայութեամբ
քով. եւ ողորմեան մեզ:

Յ Ա Ի Ե Լ Ո Ի Ա Ժ

ԽԸ.

Ճ Ա Մ Ի Յ Ա Ռ Ա Ջ

Աչք ամենեցուն 'ի քեզ, Տէր, յուսան եւ
դու տաս կերակուր նոցա 'ի ժամու: Բանաս
զձեռն քո, եւ լցուցանես զամենեսեան քաղց-
րութեամբ կամօք քովք:

Ամենքի աչքերը դէպի քեզ են նայում,
Տէր և դու ես նոցա կերակուր տալիս ժամա-
նակին: Բաց ես անում քո ձեռքը և լիացնում
ես ամեն արարածներիդ քո ողորմութեամբ:

ԽԹ.

Ճ Ա Մ Ի Յ Յ Ե Տ Ո Յ

Փառք քեզ Տէր՝ փառք քեզ, թագաւոր
փառաց, որ ետուր մեզ կերակուր ուրախու-
թեան և լցուցեր զսիրտս մեր ի լիութենէ
ամենաբաւական ողորմութեան քո. լցո՛ և
զմեզ հոգևով քով սրբով. որպէս զի գտցուք
առաջի քո հաճոյք, և մի ամաչեցեալք. զի
դու գաս և հատուցանես իւրաքանչիւր ըստ

զործս իւր. և քեզ վայել է փառք իշխանութիւն և պատիւ. այժմ եւ միշտ եւ յաւիտեանս յաւիտենից. ամէն:

Փառք քեզ, Տէր, փառք քեզ, փառքի թագաւոր, որ տուիր մեզ ուրախութեան կերակուր և լցրիւր մեզ քո ամենարաւական ողորմութիւնից. լցրու և մեզ քո սուրբ հողւով. որպէս զի հաճելի լինինք քեզ և շամաշենք, որովհետև վալիս ես և հատուցանում ամենքին իրանց զործքերի համեմատ. և քեզ վայել է փառքը, իշխանութիւնը և պատիւը այժմ և միշտ և յաւիտեանս. ամէն:

Ծ.

Տ Ա Ս Ն Պ Ա Տ Ո Ւ Ի Բ Ա Ն

1. Ես եմ Տէր Աստուած քո. մի եղիցին քեզ այլ աստուածք բաց լինէն:
2. Մի արասցես քեզ կուռս ըստ ամենայն նմանութեան, մի երկիրպագանիցես նոցա, եւ մի պաշտեսցես զնոսա:
3. Մի առնուցուս զանուն Տեառն Աստուծոյ քո ՚ի վերայ սնոտեաց:
4. Յիշեսչիւր զօրն շաբաթու սրբել զնա:

5. Պատուես զհայր քո և զմայր քո, զի բարի լինիցի քեզ, և երկայնակեաց լինիցես ի վերայ երկրին բարութեան:

6. Մի սպանաներ:
7. Մի շնար:
8. Մի գողանար:
9. Մի սուտ վկայեր զընկերէ քուժմէ:
10. Մի ցանկանար տան ընկերի քո և մի ամենայնի, զինչ ընկերի քո իցէ:



1. The Commission has received a report from the
 2. Department of the Interior, dated the 15th of
 3. the month of June, 1880, in relation to the
 4. lands of the State of California, and the
 5. same are hereby published for the information
 6. of the people of the State.
 7. The Commission has also received a report
 8. from the Department of the Interior, dated
 9. the 15th of the month of June, 1880, in
 10. relation to the lands of the State of California,
 11. and the same are hereby published for the
 12. information of the people of the State.



504

Գրք

281

9141

ՀՀ Ազգային գրադարան



NL0596101

